

SARS YI OLOLOXA NKWETLEMBETANO WA MITIRHO NO VUYISELA ENTIRHWENI VATIRHI VA KHALE

Tshwane, 22 Hukuri 2022 - Vukorhokeri bya Xibalo bya Afrika-Dzonga (SARS) byi tsakile ku tivisa leswaku byi ololoxile nkwetlembetano wa vatirhi no vuyisela vatirhi vambirhi va khale Mnn Hope Mashilo na Mnn Tshebeletso Seremane ku sukela hi ti1 Ndzati 2022. Leswi swi fungha goza ro engetelela eku vuyiseleni no lunghisa switandhaku swo biha swo vutliwa ka SARS na rendzo ra yona ro aka hi vuntshwa vutshembheki na ntshembeko wa mani na mani.

SARS yi tekela enhlokweni mbaviseko lowu endliweke eka Mnn Hope Mashilo na Mnn Tshebeletso Seremane loko hi 2015, tanihi mbuyelo wa mbuyelo wa phurosese yo aka hi vuntshwa yo tiveka ku biha ya Bain and Co, swivandla swa vona swa mitirho swi yisiwe hansi, naswona va lerisiwile ku amukela swivandla swa mitirho leswi a swi nga ri eka xivumbeko xintshwa lexi pasisiweke, swikombelo swa vona swa vuxokoxoko swo vuyelela swi wele eka tindlele leti nga tweeku naswona va arile ku teka swivandla sweswo, swi fikelerisile eka ku hlongoriwaka vona "hi mhaka ya swilaveko swa matirhelo" hi ku ya hi s189 ya Nawu wa 66 wa Vuxaka bya le Ntirhweni wa 1995 ("LRA"), tanihi ndzhundzhuluxo.

Khomixinara Kieswetter u te: "Leyi i mhaka yo tika swinene leyi katsala mitsakelo ya vatirhi vambirhi va khale lava khumbiweke hi ndlela yo biha mayelana na swiendlo swa xikongomelo xa vurhangeri bya SARS eku vutleni ka SARS. Eka xiyimo xo tani, a ku khumbekangi vatirhi va khale ntsena hi khale ka Khomixinara wa SARS kambe SARS yi ve mukhumbeki wa vutlo.

Tanihi Khomixinara na Murhangerinkulu wa SARS, ndzi na ntirho wa xinawu wo sirhelela xindzhuti xa vandla, xiboho xa vunene na xinawu ku vuyisela switandhaku swo biha swa vutlo wa SARS. Swi tshama swi ri swa nkoka leswaku phurosese leyi hi yi landzelaka yi na xindzhuti, ku pfumelela vululami lebyi vuyisekaka no hola, ku katsa na ku sungula no hlayisa rendzo ra SARS ku aka hi vuntshwa ntshembo na vutshembheki eka vanhu.

Eka mhaka leyi, a ndzi fanele ku ringanisa hi vurhon'wana mitsakelo ya vanhu lava khumbekaka ku va vuyisela eSARS hi xindzhuti, loko hi nkarhi wolowo, ndzi sirhelela vandla no hlayisa leswi ri yimelaka swona tanihi nhundzu ya rixaka ya kungu. Eku fambeni eka ntla lowo olova, vanyika miehleketo van'wana va hlayile ku ni lemukisa leswaku ndzi yimelela Ttn Moyane, khale ka Khomixinara, tanihi mbuyelo wo tiyisa switandhaku swa vutlo wa SARS. Tanihileswi ndzi vuleke ku sunguleni, a ndzi khensi munhu. Ndzi yimelela vandla ku nga ri

vanhu lava nga ri vutla. SARS na mina hi ta ya emahlweni hi endla tano no fambisa xileriso xa SARS handle ko chava, ringhohe kumbe ku voyamela tlhelo rin'we.

Van'wana va ehleketelerile leswaku eka mhaka leyi ndzi kale ntlhaveko eka xirilo xa vavasati na vamanana lava kurisaka vana voxe. Eka vutomi bya mina hinkwabyo bya ntirho, ndzi kombisile vutinyiketeri bya xiyimo xa le henhla xo fambisa hi ntwela vusiwana no humelerisa eka ndzinganano wa vavanuna na vavasati havambirhi entirhweni loko swi ta eka khomelo ro ringana, xiyimo ya swa vumunhu xo ringana na rito ro ringana. Mavandla mambirhi a ma na nsiyohandle eka xiyimo lexi"

SARS na mavandla va tekela enhlokweni matimba ma Tirhelovutinyiketeri ra ntirho wa SARS ro kotisa Mfumo ku aka Mfumo lowu nga na vuswikoti, ku hlayisa nkulo wa nkarhi wo leha wa ikhonomi na nhluvukiso wa swa vanhu lowu tirhelaka mahanyeko ya vaaki hinkwavo va Afrika-Dzonga. I switwi swo fana swa Tirhelovutinyiketeri leswi hlanganisaka SARS na mavandla ku vuyisela endzhaku ku vutliwa ka SARS. Ntsombano lowu wu tisile SARS na mavandla ekusuhi swinene hi mikanelo ya ripfumelo ra kahle ku kuma ndzinganiso wo ringanana exikarhi ka ntsakelo na ntsakelo wa SARS, ku nga vandla.

Khomixinara Kieswetter u tekerile enhlokweni leswaku "swiendlo swa SARS enkarhini wolowo swi ve na nkucetelo wo onha na matimba eka vutomi bya Mnn Mashilo na Mnn Seremane na mindyangu ya vona. SARS ya tisola swinene eka ku vaviseka na ku xaniseka ka vona na mindyangu ya vona. Ndzi tshemba leswaku hi ku hetisisiwa ka phurosese leyi, vanhu lava khumbekaka na mindyangu ya vona va ta va na ku amukela no ya emahlweni na rendzo ra vona ro ya eku holeni na mpfuxelelo.

Ndzi khensa mavandla eka vutinyiketeri bya vona eka SARS na leswi SARS yi yimelaka swona. Hi ku yimela SARS, ndzi amukela Mnn Mashilo na Mnn Seremane nakambe tanihi vatirhi va SARS eka nkumeko wa vona wa le kusuhi ku vuyela eka mitirho ya vona no nghenela swinene eku akeni ka SARS yo tlhariha ya ximodeni, leyi nga xindzhuti lexi nga kanakanisiki, leyi tshembhiwaka no naveriwa.